


ZA AYI KOTI MA ?

Amos sôndè môk, meingaou lang-ak ipanguilyoum atane nkoukouma môk zîng a Lessoto. Dô mot issamba î bot lê nkounkouma namb beingama towane nè mekat bô ibouk î Zambè. Ibouk ya îviê, ibouk igbèlè mbé ngoul, ibouk itè vol ilotok ipéi ya igbèlè mèdzèw meba, ibouk ité înga gninè fô lit-lit a minèm mî bot bessè beingabè atane ité. Tô nè meingaou nguènè katak minkpamak mî Zambè, dô mineka a nkounkouma, nkounkouma ndènek sôo, dô anga kassi nè atè dzone abouï.

Bibéki bilotnèkane gnè a memang nè meindime, dô anga tèvè tetèlè avèwlèkane oukouka, gnina: “Za ayi koti ma? Metè koklane minè nè minika ma, zînglanè î nnèm igbèlè ma kane issè. Mènè fô ingaingôl î mot, mènè mbè ingaingôl. Mètè dzé mot anèna ka ma, za mènè ayi koti ma a mbé ouloua missèm ya mètè ndaing lè wô gnou? Ya maï, bô ya? Mine bessè minidzi ma. Mineka a nkoukouma ndènek, mediè peck mineka a ngoklane. Mebô layaw a ndaï tchôce alotok mibou mèwomba, hêda lom dèlè lessè lenè ma fô tèle mpi, lom litè lessè lessèna vè ma pili; mènè a ngatak missèm. Mènè nyoung medzôk, mediè woéi-botè. Mô mama mènè mô mètè bouslè ngongo, amou meinga bouslè biê-biê ya anè medzôk mètè sô lè idzôka! Missèm mima tîngtè ma mô lê mekol ngatak. Menè fô mô mibok a ndône-kôm!”

ZA AYI KOTI MA ?



“Mot atè sèm anè angaw î satan.” (1 Jean 3:8).

Dô anga timnè djonde abouï avèwlekane mbè oukouka, gninga: mètè koklane minè, metè dzé mot aï ka ma, metè dzé mot aï koti ma. Zaï bô nè mebokwè pili, zaï tchik ma ngatak missèm metè dzé ivèvô anèm wama. Mètè dzé nè madīng Zambè hêda ntchèm oune nkounkouma anèm wama, ntchèm ité wô waï doute ma a mot ibé î ndône kôm. Meinga woéi ndomnè oussouyama, leingabè hîne mème wou medzôk, meinga tingtè gnè ambous, dô, medzôk medima amiss, dô meinga kou lè gnè assi mabét gnè agnol, no wé oumakè gnanglane, dô anga kangla wou. Metè koklane lè minè nè mini koti ma a zéne awou! Minyèwè meingang missena ka ma. Nyèwè wama ousseinga ka ma. Zaï vè ma iwondka? Za ayi koti ma? Do meinga yalane nyè na: “Ivèvô issouss tè wa anèm, oubè pound peck tô damb. Itiwi oute ndaing lè yô, bot abouï betè ndaing lè itiwi ité. Kalate a Zambè ya anè Bibel anè iyalane oukouka ya outè vè assou mîntié ougbèlè anèm wô. A kalate Romain ch. 7:15-25, nfufup Pawlus atè lète biss nè, ntchèm oungama yamane îning î mot oussè, nfufup Pawlus atè lète pè biss mot anena koti bissè.” “Djom inè meing, metè djeimb issena bokwè anyol yama, nala atè timsane nè a missone miama, megbèle niyane, hêda tèle ngoul nè bebô djom îne meing. Amou menè te bô meing metè dzé, heda mebôka abé ya metè pèm.” Nchèm ya oungama sô kom iboki à nyol yama, outè gbéi ma oubilia nè mekôm hè abé, hêda oundèklekane ma idjông metè dzé nè maï bô meing. A nnèm wama, metè dzé nè manai mebèndi mê Zambè, hêda missone miama migbèlè mebèndi mèpèpè. Mebèndi mîté metè lounnè lè mô peck wama, mebôka nè mebokwè ouloua nchèm. Memane-memanè, mot oussè anga vèwlè sèm oukouka ya mineka à nkoukouma anga vèwlè nè: “Îngaingôl yama! Za ayi koti ma?” Nguè mot avèwlè oukouka wô Zambè, aï vè mot ité iyalane, akoti pè mot ité.

IYALANE

***“Nguè mône Zambè akoti biss îndèklè, a bebèla, laï kôktè bokwè pili.”
(Jean 8:36).***


Yesus anè iyalane assou mibolè missè. Anè iyalane assou mibolè miô missè. Lessena gbéi lekoti à doéi lè mot mpèpè hè à doéi lè Yesus itam. (Actes 4:12). Yesus itam anèna koti biss misèm. Meki mé being, meki ya anga koup à kloss, mô being menena so biss ntchèm oussè. Tô dôwtè môk, tô mebala mevôwka, tô nyèimbè môwka, tô ngaingang môwka, tô mot môwka, tô nkat-mbémbé-foé môwka, tô patè môwka, tô nyèwè mowka, lom dèlè lèssè lessena koti wa missèm miô. Yesus itam, môna ntomba Zambè atè vassè missèm mî sindonde, gnè itam anena koyi wa lè meki mè, lè ngouli nfufub nsisim wé.

Yesus mone Zambè anga sô assi mou nè ayassi miss mè mî ndindime, nè ayassi melô mî ndeindôk, nè apamè bot benè mènda mibôk antchaing, nè apamè îngaingang iba bessè beinguènè indimik. (Esaïe 42:7). Yesus

gnina: “Gnô ya oussè atè vèwanè à ìning î ntchèm anè ouloua ntchèm. Hèda nguè mône Zambè imène atchik wa ngatak missèm, waï kôktè voswè, waï kôktè nīng à pili.” (Jean 8:34-36). Yesus anè bebèla ya atè vè mpang pili.

Yesus mône Zambè, angama beklè missèm miassane idjông beinga bombèlè gnè à kloss. Missèm miô minè mbombèlèkanè à kloss î Yesus. “Ouougèlè nè oudjeimbèk nè mindzouk miô ìtiwli yô, lè mintié miô sè anga beklè à kloss. Beinga kpèl gnè mèveing assou missèm miassane, l’assou bê mbé bè mamb bessè lètè bô. Indèklè itè vè biss ivèvô ìnga souklane gnè à gnol, ndol-mèveing yé yôssè itè vè biss iwondka lè mbôki.” (Esaïe 53:3-7).

GRACIA IVÈWANE ZAMBÈ IKIÈNEKANE WÔ YESUS KRISSUS



*Ngue mône (Yesus) imène akoti minè; minai kôktè bokwè pili.
(Jean 3:36).*

Barabbas angabè izil-ngane, adiê woé-botè, angaou yelnekanè lè mibôk mî awou. Angaou yelnekane nè be bombèlè gnè akloss, hèda Yesus anga bomblane a kloss medzismè mé, abeklè kloss ya Barabbas angaou gbèlè bomblane ité. Yesus, mōna Zambè anga bomblane a kloss mèdzisnè mō, medzisnè mama; gnô ya angaou yelnekane lawou anga dzok-wanè assou mot mpèpè anga dzèwlè awou assou wè. Lê wa lè ma, biss bessè lenè bô Barabbas. Maknè mè ntchèm menè awou, hèda dass lê zezè lè Zambè lenè ìning-kôm wô Yesus Krissus. Nguè mini kôktè tal kloss î Krissus, nguè mini kôktè bīndi anèm pang-le-pang, minai yéne min’imène lè missèm mianane minidiê mbombèlèkane a kloss. Yesus anga wou à kloss mèdzisnè mō nè ougbéi ìning-kôm. Anga souk meki mé nè missèm miô midzouwane. Amou Zambè anga dīng si-ndonde abouï, damblité anga vè ntôte mône wé assou nè, gnô ya oussè aï pouti mpang

lepiti wô gnè, abè yéne indèklè hêda agbéi îning-kôm.

Idjông mineka à nkounkouma angama wôk mî-nkol mîlè, dô angaa kang, ama vê fô Yesus lepiti dé lèssè, dô anga vê nnèm wé oussè wô gnô ya anga wou à kloss, assouk mîmpoupane meki mé nè nnèm wé oussowanè mbit missèm. Anga vê nnèm wé ya oungabè ndzalanè toute lè missèm, dô angavè Zambè wô oussè, dô Zambè gnikanga vê gnè nkpamack nnèm, adzaslè gnè toute lè nfufub nsisim. Asseinga dzou gnè missèm being, hêda angama tchich ngatak issè missèm mîngama pang gnè. Akaski amos ité vôs ana, lemokè mibou abouï nè mineka ité anga tchéndi îning, anga ning hê mpang îning, h'îning îvèvô lè îning î soso, lè bebela, lè îning îtetelè. Tetèkna anwinlè ngoul nè akòktè lounnè bita bissè atè bô oussou missèm lè mebowlè mè satan. Amokè pè tè gnoung biè, tè dout tô taka, tô sikè, tô baanguè, anga ning hê mpoupane-îning, amokè fô hê wousnèt îngaing, lè wousnèt à bebèla, atè lètè tetèkna nè: "Nguè mot anè à Yesus meing-lè-meing, mot ité anè nkpmak ikombka, midzomb mî mamb mimane ladzaw, tetèkna amokè hê mînkpmak mî mamb." (2 Cor. 5:17).

Wa mot ya outè lang lepèp dé, ounena gbéi lekoti nguè oukòktè fô yassi Yesus nnèm wô. Nti Yesus atè kat nè: "Zoukane wô ma, mine babèssè ya mininè ntèkane, mine babèssè mini gbèlè mbeklè abouf, maï vê mine ivèvô, maï vê mine mpang pili." Zoukane wô Yesus tô ounè kane î mot pé, tô ounè leyong lepé. Letkane gnè mîndzouk lè itiwli yanane. Yesus assî pè mot môk, assaï being minè, nguè mini sô bôd gnè lè mbèmbè nnèm, nnèm lepiti. Yônzîng ounè nyèklè à dokten à missône mevôk, hêda oudiè à ngatak missèm. Zouka wô Yesus, aï koussi wa ngatak tetèkna imène, nè anga yassi ndindime môk miss, adzalè nzèzam môk. Yesus anè te tchéndi, anguène sèm nè angabè, anguène gbèlè ngoul nè adjalè bot zînglane î nnèm, agbèlè ngoul nè apamè ivèvô inyô ya oussè anè mibok m'întchèm. "Gnè sê atè dzou missèm miama missè, adzalkè-pè lèkone dama lesse." (Ps. 103:3).

Idjông waï yassi Yesus nnèm wô, oubè pèt anoung wôd, kangla kassi nè outè kat bot damb Yesus abô îning yôd, kat bot nè Yesus itam atè vê lekôti. Biskè letè dzé nè lèdzemb mînkpmak miô.

Pour obtenir gratuitement de la littérature évangélique, des livres et des traités en plus de 540 langues, écrivez à :

EMAIL: info@angp.co.za

ALL NATIONS GOSPEL PUBLISHERS

P.O. BOX 2191, PRETORIA, 0001, R.S.A.

(Une Mission de Littérature évangélique financée de dons)

(Reg. No. 1961/001798/08)